

巴光誥余涖瀘未久方以年荒奉 上憲辦賑因賦此寄

示彭孝廉蘇庵

服官敢詡宓琴彈民事猶荒心未安况是烽烟飛逆燄可
能砥柱挽狂瀾灾黎到處哀鴻雁

恩詔頻年下鳳鸞我輩憑何說經濟祇應休息補彫殘

蠲賑新猷奉 上官相期蒼赤盡騰歡文章黠染收場易

碁局摧殘解劫難要使濯鬪酌行潦莫教積石室飛湍卽

今春雨連邨暗二月無衣尙苦寒

月餘以來陰雨不
止天氣亦復寒甚

一官民社本相關章貢江頭數往還

自咸豐六年到省歷
署進賢興國等縣今

則三次
奉檄矣霖雨誰叨車下惠風塵已悴鏡中顏急公賴有賢

良助濟困猶虞道路艱况是清貧嘗宦味虛懷廣厦萬千

瀘谿縣志

卷十四

藝文下

間

回首靈巖山下城十年征戍厭刀兵傳家手澤都淪落避
亂心知半死生此日江關雄虎豹几時閩海靖鯢鯨小臣

預上

昇平頌會見

熙朝奏廓清

何在田偶閱何渭綸黃雨椽舊作

廣昌孝廉

專陣雄師久寂寥開函猶得見嫖姚將軍下筆無凡馬侍
御開弓有落鵬人事何曾離夢寐文章真欲遍漁樵野江
舊約追吟處雨滿空城燭炬銷

饒紹源余司訓茲邑九年矣雖師資自媿幸士子喜從余
游時時以文字相質漸次騰達以去卽民間視余如一
家師也余方媿且樂焉忽有改篆黎川之行離觴供帳
惘然賦詩留別兼送諸門生秋試

路出東門策杖行慙慙祖帳戀山城榜花氣近含雲氣伐
木聲多和鳥聲太學請留韓博士叔孫思起魯諸生蕭齋
佔畢徒嗤黠猶惹驪歌滿別情

休笑先生苜蓿盤紛紛桃李植吟壇工夫合畜三年艾臭
味爭馨十里蘭秋水懷人倚高閣春風爲爾送長安青衿
縱暫紆童叟終見摩雲刷羽翰

風雨蕭蕭惜古歡官如傳舍一長嘆黎川鳧藻吹波煖瀘
水鴻泥印雪寒何事堪承師友範此邦早作父兄看簡書
畏我曾辭檄蝴蝶飛堦任冷官

僕夫駕矣別離新迢遞雲山感夢頻祇惜生徒虛講席敢
勞父老挽征輪功名容易歸才士器識艱難學古人鳴鶴
在陰期子和九臯聲遠快心神

鄧芝琴歌八章

陟遠岫

陟遠岫兮遊以遨何所有兮金錯刀披荆棘兮除蓬蒿日
易夕兮空牢騷月淡淡兮星斗高悲歲華兮畏風濤願飛
鶴兮豐羽毛揚聲聞兮鳴九臯

入阻谷

人阻谷兮窮深巖紛茅苗兮蔽松杉茅苗多兮猶可芟言
行違兮室其讒仰聖哲兮惜庸凡誰勒馬兮休轡銜誰乘
舟兮棄風帆心之憂兮淚隕衫

木有瘦

木有瘦兮玉有瑕雖愛惜兮還咨嗟朝衣冠兮委泥沙經
澣濯兮鮮光華思君子兮思無邪養秋實兮辭春華素履
清兮青無涯貞金石兮凌烟霞

攬山薇

攬山薇兮何所貪惡旨酒兮何所甘秉一德兮無二三根
之深兮松與栲實之美兮橘與柑泉涓涓兮成溪潭灌溉
之兮樂且湛昏不知兮中心慙

艾葭蓬

艾葭蓬兮資爾鎌磨刀斧兮資爾礮物傷我兮內自覘觀
我生兮喜懼兼謗無傷兮毀何嫌厲操修兮凜乎巖薪之
抽兮火之燿尙懋勉兮吉可占

春波平

春波平兮江有痕測淺深兮得所存眾所指兮多繁言秉
虛心兮察眾論尋枝葉兮探株根不自鄙兮辭邱園駕四
牡兮登崑崙窺星宿兮導河源

喬木高

喬木高兮下有陰葉交暢兮中有禽求友聲兮飛平林彈
清商兮上遙岑縱八荒兮賦遐心山不高兮水不深石投

淵兮罔勿沈勿捐棄兮惠好音

黃鵠飛

黃鵠飛兮飛青天覽紆曲兮識方圓侶元鶴兮心誠憐相
和鳴兮共連翩元鶴死兮哀蒼煙棲高枝兮嵩山巔浴清
浦兮浴水淵長鬱鬱兮三千年

鄧芝上山行

上山掘草根終日不盈掬下山沈其泥和米作羹粥松柏
撰爲薪羹粥一時熟念我當何爲仰事與俯畜羣兒有菜
色高堂無半菽羹粥亦幾何饑腸如轉轂一身自忍餓潛
向暗中伏父母知此心哀哉淚盈目兒已太憔悴何可更
枵腹毋寧衰朽我卽就黃泉宿兒儻爲餓殍羣雛誰爲育
聞言啜杯羹相對愁滿屋屈指一旬內農乃登新穀舉頭
慰父母願且勿悲蹙行當鬻犁鋤或不填溝瀆旬日豈易
度新穀能幾斛但恐父母悲惟有吞聲哭仰天望浮雲日
月苦不速依舊還出門荷鋤上山麓

鄧芝潛運篇

漕船歲一運名在正軍籍前後催點軍檄造鄰船迫族人
聚愁歎圖此無善策有如鹽車牛草枯牛已瘠一車且不
勝奈何服兩輓老者慰族人君等勿悲激效勞雖代庖仗
義終報國同幫誼共濟何爲分畛域族人揮淚言邇來生
理窄殷戶惟二三頓覺今非昔中戶升斗儲所入能幾石
上爲國課供中爲祖船擲下爲婚嫁謀醫藥與賓客縱不

求溫飽豈可無衣食何堪更稱貸拮据事鄰舶任重求衆
擎合派匪千百剝肉肉無餘醫瘡瘡轉劇勢難顧妻孥甯
徒變田宅老人心骨悲黽勉相訓迪爭如東家鄰萬金蕩
博奕作孽本非天受殃誰閔惜我族雖貧疲頗因公事責
忠孝天念之善良福所錫君看塞上翁禍福誰能測盡瘁
分所宜憂貧無乃惑聞言齊收淚還歸括粟帛豈復計來
年且以永今夕

鄧芝疾風勁草歌

疾風起下大雨疾風怒拔大樹疾風號驚蓬捲沙如飛毛
百卉萬彙俯而泣隨風偃仰嗟何及乃有勁草當風如獨
立獨立當風高勁草勁如鐵不隨疾風倒豈懼疾風折天

瀘谿縣志

卷十四 藝文下

五

地有正氣鬼神泣壯烈穿齧齒罵賊舌忠臣肝義士血孝
子淚貞女節入土不化泥化爲此草枝入水水不渾化液
滋其根當其雜出山谷間沐雨露幽且閒不有疾風震
撼自天來安能別爾威武不屈之奇才草兮草兮殊斌媚
我欲植之清要之津風憲之地可使頑夫廉兮懦立志爲
我語疾風雖疾徒爾爲爲我語勁草勁節無時虧耿耿孤
直天日照之願與百卉萬彙共榮滋和風甘雨恒恬熙

鄧芝龍井歌

六區潭深不可汲

潭在二都大六區小六區側有龍潭寺

徑廣百畝龍所蟄

千年老樹掛藤花萬仞蒼巖蒸石汁盤渦怒瀑爭先輸巨
壑洪源誰後及

潭上有二澗一名盤渦瀑出芙蓉山最湍悍一名巨壑源出張家山其流稍緩

飛流橫噴山根開奔濤倒捲滄溟入光怪變滅真宰涵乾

坤元氣通呼吸日晴尚訝風霆生天朗猶疑烟霧急濺沫

吞天渴虎舊傳有渴虎為龍所擊處緣崖墮石元猿泣舊名屈原崖不可解余意

以崖險難度山僧扶我上雲磴曲循側竇三百級忽然俯

瞰碧潭中彷彿凌虛臺上立石欄迴護心猶掉有橫石亘數丈高二

尺號關脚底無根步轉盪僧云今歲頗憂旱縣公齋宿潭

前揖酒醴蔬果羅芬芳父老吏胥虔且翁大巫鼓角跪祝

嚴星斗倒垂如聚粒日曉潭生一縷雲須臾萬谷風習習

縣公芒履戴青蒲農民露頂釋蓑笠祈雨俗禁蓑笠震雷飛電掣

金蛇萬戶淋漓歡雨集只今不用愁官租秋成預卜千家

給老僧雨齋來誦經俗以誦經為賽雨雲歸龍臥苔猶溼

春懷

鄧芝

陽春布和澤草木榮根芟靈椿茂中庭芝蘭秀雨階上下

自分辨物情良不乖瑤琴奏和風聲調韻自諧池魚游潑

潑林鳥鳴啾啾懸知有餘慶甯不樂芳懷

鬱鬱園中柳噉噉林中鳥問鳥何噉噉一母將九雛雛長

母力弱羣飛爭反哺竭力為銜食往來不愛軀昔鳥固如

此今鳥亦豈殊願言畜此鳥此鳥人所無

八方多友生四海盡賓儔冠蓋遠相索車馬驅悠悠笑談

移落日飲醺傾東流為君請諸客中有毛薛不如何魏公

子英風凌九州

草木異根芟人心如其面風雲瞬息間不謂陰陽變心親

火益然意冷風斯扇一朝趨繁華誰能憶微賤金石有離傷骨肉無餘羨相對不同心同心不相見靡靡如逝波去復何戀

春江何茫茫島嶼參差列烟波三萬頃似與人間絕湯湯泛舟子丰神俊以潔妙侶有同心雲鬢濯清冽有時慷慨歌扣舷爲擊節韻徹蛟龍宮風靜鼉鼉穴魚聽浪花翻緩叫山竹裂楚天雲濛濛飛濤如捲雪

駕言采蘭芷泛泛有清香采之遺所思所思在遐方層雲起東嶺洪波激頽陽路遠漫浩浩野曠鬱茫茫揚子歧路泣中心悽以愴何來雙白鹿遊戲山之岡我願執此鹿駕車索入荒終當獲我心何爲多感傷

詠史

鄧玉鈞

上有堯舜君下有臯夔臣所以巢由輩能爲農畝民大變生大才造物費艱辛五百有餘歲每一見其人風雲苟會合木石難湮淪茫茫數千載獨於孔孟屯

生鳥必鳳凰勿生梟與鴟生獸必麟麒勿生豺與狸天道彌缺陷人功安所施混沌不可復造化何參差愚民安飲食知士多憂危上爲王者佐下爲百世師

駮耳負鹽車駑馬食場霍紛紛相馬人自稱爲伯樂伯樂不再生翳誰辨美惡美惡在人心憤憤有時覺元祐黨人碑熙甯功臣閣當日失其真千載分清濁

昌黎諫佛骨封禪何以陳子明寡言笑美珠喪其身有時

柔愿輩飾知驚愚民胡公有庸德王衍無俗塵好名讓千
乘孰知非其人皇王操金鑑鑑形當鑑心豈無君子過未
有小人仁

嗟爾賈人子生長洛陽鄉不耕美飯食不織美衣裳不讀
周孔書何以佐君王漢武內多欲命拜侍中郎郎年十三
五心計析微茫平準著奇策稽首上明堂使君馬食粟不
取民稻粱使君奴衣帛不取民蠶桑憤憤無人覺悠悠問
彼蒼猛虎入深山不見爪牙張山下征人骨纍纍棄路傍
嗟爾刀筆吏居然漢公卿入門爲碩鼠出門作蒼鷹羅鉗
旣鍛鍊吉網復縱橫安能守畫一約法徒紛更丹書無淚
洒千戶聞哭聲但遇侯來死不逢徐杜生三年不下雨五
月繁霜零天陰鬼嘯泣白日鴟鴞鳴自古慟歧路幽人何
處行

宮室之制興不聞居檜巢水火之利起不聞茹血毛皇春
帝則夏大化殊宣昭四時如一令玉燭何由調君子師其
意萬彙歸甄陶小人假其迹四海相怒號

易車不易轍改琴不改絃有難變易者變易則爲愆人臣
思利國功名在所捐曹參守畫一閭里皆晏然蔣賈擇令
典荆人賴以全小民難更始習舊皆安便霸圖雖苟且傳
之數十年

食瓜非不甘蒂苦傷人口剝棗非不佳棘多刺人手歌爲
哭所基利乃怨之藪哲人悟事前貪人悔事後誰謂金甌

堅何以不長守誰謂冰山高何以不永久
履冰不至陷陷或在泥淤臨淵不至墜墜或在溝渠人心
有正路天涯無窮塗日中影漸昃月晦光旋舒安危本無
象變幻在斯須謳歌滿天下堯舜多憂虞

我有不死藥采采奉君王大道爲參苓直言爲桂薑陛下
萬萬年四海歸平康君王如欲服愚臣已先嘗神仙不可
見蓬島在何方嗟爾江都相不如少君強嗟爾淮陽守不
如少翁良

雲有爲霖心歸山亦偶爾鳥有凌霄志入林非得已君子
守固窮有時貧賤恥能屈復能伸吾道斯爲美卧龍豈不
高三顧拂衣起咄咄嚴子陵不能相爲理

瀘谿縣志

卷十四

藝文下

九

閏九與諸君來鶴亭登高飲酒賦詩同會者七人楊
子安未與會詩使自署適至率爾成篇 魏子駿

江臯多白鶴慣宿蘆花滴秋風吹蘆花鶴寄青松枝岡頭
松十圍夜深落松子子落疑人行鶴去如雲水亭成鶴已
杳別來三百春豈知化後魂卽此亭中人七人常能來林
泉慰心願一朝阻風雨故山松菊怨七人故好酒亦或工
詩文酒醉吐虹霓結爲江上雲生平愛登臨歲歲作重九
天公知此意歸竒數不苟飲酒固常耳吟詩尤率然不知
古人中孰者爲能傳何來楊盈川同心氣相召君看松下
亭中有鸞皇調

和楊子安

魏子駿

重九重逢幾回見
札約攜壺我不厭
憶昨同上妙高峯
紅葉滿山遊屐徧
滕王閣上擬題詩
落霞先被子安占
天公爲我特留情
佳話重賡啓壇坵
秋風秋日來鶴亭
雲去雲來飛不倦
仙蹟傳茲三百年
文采風流幾人見
選勝飛觴屬我曹
一曲題糕壓前彥
忽覩紅燈帶月來
傳詩令借遼城箭
知君冷署首重搔
拄笏看山杯自曛
王宏酒使愛翻新
驚坐佳篇朶雲眩
整暇吾軍已玩敵
子反張筵酒樽戀
醉來把筆不自量
鄒人便與楚人戰
問君開牕看畫圖
可否廬山識眞面

全前

傅班聯

置身高處廣所見
羅列羣山看不厭
峯登妙高脚力艱
平

瀘谿縣志

卷十四 藝文下

十

步山頭曾幾遍
來鶴亭上得清高
丹楓江冷人初占
紛紛客坐醉壺觴
詩人不自爭壇坵
觥籌交錯與陶然
夜以繼日未嘗倦
適當日暮天無雲
明月半規女牆見
羣季皆爲謝惠連
吾也詠歌慙俊彥
須臾怒馬突來前
壯士長歌天山箭
開函捧讀見瑤章
冷碧入唇杯罷咽
呼之欲出樓中人
燈燭分明眼猶眩
老夫耄矣念餘年
重陽重遇豈不戀
往時菊甲披黃金
今猶未約西風戰
晨當載酒問東籬
莫抱晚香羞見面

全前

林逢馨

木落山空山骨見
滿城蕭颯風雨厭
每逢佳節強登臨
危亭屹立蒼苔遍
此間白鶴迹已除
此地黃花香獨占
廢榭

疎櫺幾十秋空讓騷人作壇坫茫茫弔古剩斜陽壁上淋
漓歌者倦我來攜酒共登樓踏葉聲乾人隱見落帽愧我
非酒狂題糕羨君皆詩彥懸炬千條深樹紅忍教白日飛
如箭冷吟各聳山字肩歌聲恍被泉聲曠俄然奚負錦囊
來五色蠻箋眼光眩可惜開尊少一人袖手閒觀殊戀戀
醉後哦詩苦未成險韻推敲真白戰何時重與細論文再
向鑪峯識一面

全前

林用晉

北郭平原何所見惟有茲山看不厭仙人去後剩空亭黃
鶴未槌詩寫徧人生幾見又重陽百年勝地今重占石磴
同登笑入雲琴尊羅列東西坵俯欄飽看四圍山花壓帽

瀘谿縣志

卷十四 藝文下

十一

簷吟不倦樵笛橫吹帶月歸返照入江山骨見此際燈光
艷奪花此時大白飛羣彥醉中之趣難爲傳一任金烏流
似箭楊君大筆何淋漓洗我枯腸涎欲咽我粗學畫不能
詩如此傳神目應眩詩讓羣公畫不辭小李西園同戀戀
却笑當日曹將軍英姿貌出徒酣戰深宵潦倒醉忘歸斜
月疎星澄水面

全前

饒崇慈

縱酒鴻門君不見壁上相觀不相厭一騎新詩插羽來四
座停觴讀方遍似聞秋駕已前逞故托言甘讓先占張儀
昨者欺魏人欲出平岡築高坵吾軍踞險若示暇敵也遠
來師已倦不救邯鄲魏亦孤奪壁取符袖椎見夷門老矣

復何求大笑浮杯屬羣彥魯連在座醉起舞潑墨飛書托
若箭軍門夜撼月三更刁斗無譁漏聲咽霜天火樹出深
碧銀海生花鶴眸眩可憐遠婦信陵君青衫作客閒中戀
爾來韓趙亦將起秣馬背城思一戰何須作質平盧兒莫
教老婦唾其面

附約同人登高啓

饒崇慈

夫江山寫懷秋金之氣肅茱萸高會齊諧之事古然而
四時代謝勝遊不昨歸奇置閨蓋或鮮焉歲次壬辰月
載重九念黃花之泥客際風雨之懷人彭澤匪遙龍山
未歇將以是日招集同志於城北之來鶴亭分韻飛觴
以愜幽抱將使嘉帽再落陶樽復啓忘形賓主之分脫
畧磬折之數公等雅士惠然肯來僕思古人書此代簡
云爾

附跋鶴亭讌集圖後

饒崇慈

畫一幀橫尺有咫廣半之微加豐有山有亭亭有樓有
林壑竹石之屬一人立飛樓解衣磅礴若睨壁者爲林
半耕憑闌俯囑笑態可掬者爲林心齋其旁倚柱欲招
手者爲盧仁圃亭下道服曳杖後隨童子抱酒甕將及
門者爲筭圃先生坡陀轉折雲磴斗絕一人擔榼方拾
級者爲某氏紀綱之僕山半上有疎林古蔭傍有怪石
二人執手若尋詩者爲林半千魏子駿亭之外一人負
手目送飛雁若有深思者爲饒禹生山下一人短衣急

足指點亭際掩映於幽篁紅葉之間者為楊少君送詩
使半耕圖之子安梓之禹生記之

慷慨行

盧 諶

奇花或並頭瑞木必連理生既並頭生死亦連理死姚家
夫婦初合婚數聲寶瑟彈清溫一朝笳鼓震天至珠箔亂
擲如翻盆山燔地烈走無路避亂入山者賊縱火
焚燒炬火累日不絕倉皇避
入彭家渡恃他鄉勇甲初聯那識賊多聯不住楊柳溪邊
有小舟全家相赴且隨流篙師散盡舟不動岸頭響馬如
星稠此身懼作賊中虜安排骨葬沙間土聳身一躍墮中
流不管香閨離別苦宮殿雙雙做水晶夫去妻還接跡行
長眺一聲形復沒頓教賊眾齊心驚夫死義妻死節青年
慷慨成雙烈江間雨足浪初洄淨洗此心如白雪蕭家雇
婦已中年對此茫茫亦可憐黃塵一染無乾淨且復相隨
伴水仙吁嗟乎人間氣節多卑靡正氣千年留士女精魂
落水不湮淪化作遊魚嘗目比

壯士行

盧 諶

作士必作壯建功當建奇突入長圍內手拔雙紅旗賊眾
出郊來一礮轟為泥朝騎瘦馬出暮跨生龍歸
登高望八方白日明禹甸妖氛自西來初起惟一線惡風
吹以簸瞬息成曼衍恨此九疊屏不障東南面
魍魎乘晝出豺狼當夜遊小懲復何用盡殺方可休昨奉
將軍檄徵兵下撫州撫州烽正迫行矣不回頭

怒箭作鴟鳴一發貫賊首揮刀斷其喉溢血紅左肘聞此
最凶狂何日落吾手此類既誅夷殘兵安可久
取我鐵心肝鑄作青鋒劍拔出建城下寒光殊艷艷殺賊
數萬餘其鋒猶不斂持此答

君王一報蒼生怨

縛得南山虎勿縱歸原岡况此無賴賊勢蹙方始降今日
且姑冀明發旋鴟張擬把芙蓉鏢封之如犬羊

將軍石

盧 諶

將軍石何嶄峭乃在幽澗之中斷岸之側羣山連霧作屏

帳峭壁排空森劍戟令我對之心惕息上有天馬峯俗名馬鞍

山下有堦墜石相傳頂上有石狀如堦墜李公大開殉節時石墜入潭堦墜墜地不

瀘谿縣志

卷十四 藝文下

十四

復見天馬騰空少羈勒水聲淙淙如聞鼓鐘窰坑紅石火

旁山多石灰窰數里接長烽端然坐鎮不復動四山颯颯騰英風

將軍石何磅礴靈氣千載孕巖壑瑤光玉色吐奇珍巖洞多珍

石瓏瓏如玉有五蘊山菁華生衛霍君不見李大開勇絕羣去

五里曰秦奮即李公鍾靈地曾作金華守禦臣南都將相盡狐竄獨持

一死報明君令人嘆為真將軍

寄李曉瀛

彩鳳與元鶴各有干雲心鳳息丹山去鶴亦巢空林渴飲
九臯露縻曉多幽音毛羽漸脫落無乃非佳禽大鵬從空
來息駕山之陰引吭一長叫白雲如此深

賞花進新樂吾愛李青蓮洞簫誦宮娥吾愛王子淵丈夫

氣凌雲帝座杼華篇安能事鉛槧齷齪終殘年君看菰蘆
士怪蟲鳴草煙誰會將黃金鑄作賈浪仙

仲蔚處山中繞宅生蓬蒿季倫營梓澤萬物供搜羅明珠
大如斗珊瑚七尺高冠蓋出都門意氣何雄豪健兒夾道
馳馬鳴聲正驕此時衡門下望之如雲霄

流光一以逝萬馬不能追揮戈效魯陽急景安可回嗟此
婉孌人韶顏抗令儀蹉跎不自惜兩鬢將成絲人生天地
間快意未及時安能挽河水倒注崑崙西

跨馬出門去入望心曠然儒生懷遠志安能守一椽妻孥
攬我袂出語何纏綿去去不復顧興發無逕延朝飲渤澥
水夕酌流沙泉澡髮天河畔一嘯開雲烟

登山常苦坂涉水常苦湍世路行不習舉步成艱難我有
三尺琴欲以遺所歡豈敢便拋擲古調今莫彈美人在何
許乃在碧雲端裊裊空山下風雨路漫漫

遊臘兒

盧 諷

遊臘兒一生不識鋤與犁暮向市頭宿朝向山下馳山中
惡獸張赫威行人不敢出路歧出者難留骨與皮老翁覩
此傷心髀亟請臘兒來治之噉以瓊糜飯佐以白玉脂一
日重費數日貲臘兒醉飽歌且嬉忽聞虎到山之陲如鳥
四散相驚飛珣弓落地箭插泥可憐老翁無所依逾時虎
去紛來歸杯盤重整飯重炊逼索鄰戶相饋貽一家不出
遭鞭笞老翁此時悔已遲虎患方深人患隨

古別離

盧 諤

愁雲乍破天欲裂惡鷹飛出爪如鐵蒼睛一掠萬山空無
數生禽成死別烏雛下墮幽厓底毛羽未成飛不起無端
攫去向空旋流落不知何處止老烏歸來月滿梢數聲落
葉響空巢烏雛一去不復返滿天風露空啼號君不見朱
樓裡大道邊幾家兒女得安全朱顏半被紅塵捲黃口旋
經黑索牽昨宵榻畔兼幃畔今日車前與馬前平沙莽莽
無踪跡老淚流成血滿川

來鶴亭步月

盧 諤

落日炎敲退未清宵分猶未出門行偶然好友雲相聚恰
值空山月正明眼底孤亭高百尺耳中衙鼓近三更憑虛

瀘谿縣志

卷十四 藝文下

六

漫作成公嘯驚起棲禽格磔鳴

接龍橋盡路千盤到此方知玉宇寬流水無聲人抱甕層
霄有影客憑欄鶴飛來去踪難認斗指橫斜夜已漫只恐
太高難久駐四圍山翠最清寒

行騰斜入綠蕭森滿徑苔痕黯夕陰面水人家花悄悄背
山城闌樹沉沉一星漁火明前渡幾陣鐘聲閣遠林待得
涼風生白晝薜蘿深處再來尋

醉歌

盧 諤

我所思兮在高山山中怪石何巉崿欲着草履披茅菅時
與山靈相往還前辟虎豹後狼狽白雲杳渺封柴關一聲
長嘯天爲寬

我所思兮在流水水勢汪洋波譎詭手持利劍斬江豕仰
視萬里天如紙挂颿直下觀海市海童歡笑江妃喜獨立
蒼茫氣不靡

我所思兮在天涯天涯處處浮雲遮美人貽我香雲車瞬
息歷盡山川遐與君痛酌杯流霞手橫鐵板兼銅琶一曲
高歌明月斜

我所思兮在千古古人與我神相處欲往胸屢訪神禹兼
過岐陽探石鼓原思爲我開蓬戶咫尺之間見鄉魯此身
上與千秋伍

我所思兮百不遂山水蒼茫空遠志天涯何處呼同類一
編經史徒高寄曹植年年求自試卞生處處皆垂淚不如

卽景且游戲秋來酣共黃花醉

大旭峯曠題

黃中靈

萬木圍孤宅殘鐘近五更怕聞山鬼嘯忽見野猿行地僻
窗連岫晨陰霧入楹巖泉流不斷時作雨風聲

山居

黃中靈

日光上東牖寒翠生窮崖孤鳥一聲疾梅花數點開泉流
風斷續松頂鶴徘徊乘興登絕壑想見金銀臺

楊松兆余蒞瀘未及一載新奉量移東鄉并因調簾
將去士民惓惓不已賦此留別

去歲下車值秋半西風瑟瑟稻花燦今年瓜代及初秋黃
雲刈盡青苗稠艱難稼穡勤終歲獲到新梁供租稅小民

征輪輓輓響山隈喜見林端霽色開傍嶺殘梅飄宿雨穿
籬新筍茁春雷敢忘吏治遵前哲應軫民情達上台叢爾
附庸同述職

恩光猶望日邊來

傷亂四首

彭鍾華

皇天何爲久苦兵十有三載禍亂仍昔日流民憐鄰村今
投無路歸無門田園生產行看盡千家未有百家存可憐
竄伏嚇如鼠倉皇已被黠猫捕可憐屠割慘如豕血肉狼
籍餉豺虎好生誰言上帝心殺運祇是相侵尋攜兒挈婦
荒山道傷人還傷不自保關山處處皆盜賊跼踖天地逼
人老

瀘谿縣志

卷十四 藝文下

十九

皇天何爲久苦雨太息滿天不可補春正已是半月雪淫
霖接連商羊舞是時賊正出浙西元燈未燒驚鼓鼙傳聞
難民竄山谷不死兵刃死寒餓復傳上官慎防堵軍卒逗
遛雨雪阻二月三月迄四月淒淒颯颯響不絕上淋下滴
供草木手足凍皴誰敢說羸男弱女抱頭死不死當是鐵
漢子况復饑火煎寒膚昨日糗備今日無生非鹿豕與螻
蛄安能日日困沮洳我有親故愁異物誰收山中凍死骨
剪紙招魂意恍惚

皇天何爲久妨耕不稼不穡歲不登健牛驅剝供寇食鋤
犁中田畏亂兵逃此家鄉已阻絕安顧草棘叢田塍只今
米價日騰貴倉儲賊據空呼庚縱有官兵逐賊去高田無

黍下無秭饑民恐更變盜賊溝壑未免轉老羸况乃官牒
旦夕下流民未復催賦征賣男粥女那可道殘黎誰得蒙
哀矜世亂生靈真芻狗若華所以歎無生兵禍安知其終
極哀歌祇有悲填膺

援兵傳自閩中出復說江右多戰卒死賊胡爲無所畏公
然據作虎狼窟敢張僞示徵納糧剽掠四鄉恣馳突官軍
玩寇復養寇淫擄同賊少焚殺軍中號令豈不嚴安得親
身督征伐老師糜餉將奈何平靜一方無日月吁嘻乎窮
黎濃望官軍至官軍雖至仍兒戲日日檄賊賊不去

紀邑侯黃鑄海明府德政六章

肅官箴

溫谿縣志

卷十四

藝文下

二十

廉吏可爲而不可爲誰不念子孫蕭蕭宦囊輕廉吏不可
爲而可爲當官無孽錢四野流頌聲周官六計弊羣吏終
始不外一廉字漢唐循良無異政只言不擾而已矣侯有
純白心化作光明燭調琴几案閒參窠塔除穢甯嗇大官
廚忍割蒼生肉舊官縱有額外征窮巷赤子久苦兵疾痛
呼號如父兄張示裁止改清平霍如靈藥起沈冥苞苴耶
請謁耶何爲者弗屑也上交不諂下不瀆陶令甯爲督郵
辱鄭俠欲上監門哭俯視俗吏蠅營狗苟徒碌碌

謹修建

噫吁噉登高邱而騁遠望兮蒼茫感慨何窮哉昔時萬家
邑今見幾樓臺舊院無故釘浮塵散劫灰聖人垂衣方在

御黃獸白馬胡爲來况乃瀘陽彈丸地倣擾幾經賊竊據
官署廟貌杳無存第宅衣冠欲掃地春燕如歸棲野樹龍
橋燒斷秋水渡山亭尙有歸來鶴城郭人民嘆宵露沿革
興廢厯侯心那能不思反其故嗚呼興作良亦難邑亂民
貧羊凋殘竭捐股削仍弊政輕重緩急圖厥艱嗟侯未來
分悉索多而百度廢迄侯之來兮修建增而民不斂惟侯
愛民勤政具實心義之盡分仁之至君不見韋舟遺愛在
江西教民瓦屋振百爲
朝廷取作循良表大書深刻德政碑

簡訟獄

訟庭閒琴有聲囹圄靜草遍生牘甫入判不停衡同正鑑
瀘谿縣志 卷十四 藝文下 三十一
同清侯何能公生明嗟牙角常苦爭嚴狴狂不能懲譎張
幻觀聽驚矐白日眩青睛仁吏能慎獄憤憤失其平才吏
能折獄曉曉以自矜捫槃取照照不澄揚燎止沸沸愈騰
市豈有虎杯無蛇巧構形似迷聰衡善哉判獄歐陽子求
生不得猶失死斯言堪垂萬萬古千載有公繼歐陽明察
非鉤距險健敢披猖兩造且前來爾情非太屈何爲爭訟
揮金錢公門一讞費訟家幾畝捐爾裒數日糧我憑三尺
法滯訟防胥弊當官爲立決官清吏不肥舞文早嚴絕三
復循良傳卓犖繼前哲

紆民賦

昔聞陽城守道州撫字心勞催科抽計吏自署下下考史

官紀載民情悅國家有正供樂輸乃民事不幸生計困重
以煩官吏但期矜恤賢父母免教賣男鬻女暮夜追呼苦
長官原是清白官安能下不取民國賦完方今

聖朝多惠政垂爲令典永不刊剔蠹去蠹民氣蘇神所勞矣
蔀屋歡君不見黃侯下鄉征租稅吏不擾民民喻意雖然
頻歲厭兵亂寸絲粒粟樂負至侯乃巡田隴課農務年穀
豐穰我侯惠請將芟惡樹甘棠千秋呼作召伯埭

懲胥惡

剝啄復剝啄叩門聲何恚今時幸免兵得無寇患作昂然
上高堂伍伯聲猙倉縣牌壁中座鐵鎖鐙郎當吏呼一何
怒隸威一何赫此是催征符雷霆生鼻息哀哉窮民無緣

上官陳生恐早觸胥怒 與官怒猶得白胥怒安可測君子
能愛人小人實殘賊大壺沽美酒豐盤炙肥肉醉飽雜喜
怒不管村婦典質簪珥 嚶嚶哭稅從何出心熬煎哀求姑
緩賣宅田咄咄而公且貴汝大聲需索規例錢總催來賄
若干籤役來賄若干圖役來賄若干賄錢逾半百正供不
滿千割肉補眼瘡完征何歲年况乃額外復加額吏胥歡
喜民人泣快哉天遣黃霸來清風灑六合陰翳安在哉君
不見胥彙未飽捉民送官侯心愴惻燭胥奸賄錢追出作
官稅大鞭笞撻甯汝寬爾民來前放爾歸

國賦難逃早措完

植士類

皓鶴啄白石軒軒舞玉墀餓鴟爭腐鼠甯集鳳凰池鴟貪
常苦污鶴潔常苦飢鴟汚方自始鶴飢當告誰有鳥肅高
羽飛訴鳳凰窠鳳凰乃飲以瓊蕤之露餐以玉山之禾萬
里搏風生羽翼翩然與鴻鵠同科君不見危論嶽嶽士氣
肅鴟音不繞泮林木又不見炙硯稅薪親教督剔毛舉翮
如黃鵠賤子亦是阨窮人手脫黃金送青雲嗟哉南山落
拓故將軍

避亂冬懷

彭鍾華

蟪蛄挂戶鶻伊威嘯夜闌鴟鳥從何來鳴此室南端浮雲
翳明月北斗正欄杆老屋多淒風蕭蕭薄幃寒四鄰皆寢
息憂思不能干獨有鐫棲人哀絃再三彈絃絕哀不息何

有故園歡

翔風號四野吹雨集微霰白日頽前楹黃葉飛近案家山
不可到客心正淒斷管彼機上絲欲理愈煩亂仰視鴻雁
翔嗷嗷唳霄漢豈不畏雪霜斂翬投南岸嗟我不如鳥行
止苦牽絆昨夜夢中歸稚子驚魂散寒犬喧吠夕荒雞怯
叫且披衣中夜起悄然發長嘆

客久惜人情艱難圖一飯比鄰餉青菜中厨熟白粲圍坐
且安食輟箸休三嘆痴兒市肉索病婦加餐勸寬此室家
憂嗷同兒女戀今日復何日誰不念離亂不見杜陵翁飄
泊異鄉縣長鑣劇黃獨橡栗拾充饑順時遣憂思尋友過

村澗

樓樹鴉亂叫墟里生暮烟思沾一壺酒醉飲寒雪天歸與
老婦謀搜索囊無錢攢眉且復置客况難求全梅花香細
嚼茗葉清可煎孤檠挑矮几諷詠南華篇泐泐秋水意度
此窮臘年

遠風吹幽馥梅花出牆角凝睇一以眺悠然見書閣誰爲
賢主人花下俯清酌叩門逕訪之折此凌雲萼供以窗間
瓶相對不寂寞天寒雪蕭蕭守夜招野鶴

猶子消息斷忽得遠書至悲喜不能言開緘心已碎故鄉
多盜賊搜括無不至逃竄在山谷偷生偶然遂骨肉各星
散存歿空悲憶死者豺虎飽生者蜉蝣寄終當就叔居道
路愁梗滯報書催火速流離復團聚何鄉爲樂土仰屋發

長喙

官亭行

彭鍾華

路出接官亭溪水流汨沒稻田橫一區血色猶恍惚似聞
鳥咽聲行人怯不發往者歲辛酉寇盜淹日月竊據邑城
內豺豕恣馳突結團守却落復非慣戰卒弟子占輿尸師
出甯有律夜靜息烽堠野宿卸衣甲壞雲壓我壘掩襲何
飄忽戈矛不得舉旗幟不成列纍纍就擄俘殺戮實慘裂
二百數十人不知誰甲乙弱肉饜猛虎甯得復望活驅出
城南隅弁首膏斧鉞積尸禾黍間田水變成血可憐下澗
田翻作長平窟殘荷啄鳥鳶枯骼亂沙磔至今耕田夫鋤
犁出白骨此皆忠義民幾日別家室但期破賊歸安知成

永訣仰面望鄉啼鬼火閃林樾誰作道旁碑一爲紀壯烈
我來過其旁恍如精魂越恨無討賊檄空有痛憤切羣方
猶厭亂憂虞何時畢足繭去荒山憔悴益愁疾

弔瀘谿殉節諸君

彭鍾華

羣盜生靈感孤城伐叛深風雲無改色草木有貞心性命
一毛棄綱常九鼎任斷頭誰復惜裂眦看霜鐔
養士三百載臨危必致身恨無討賊檄生恐負儒巾白髮
惟祈死丹衷不望春堂堂存正氣草莽本王臣
盤矛馳隴水按劍看常山跳蕩風烟裡激昂天地間祇須
與木櫬無復唱刀環休薄屠沽輩雄生壯士顏
天皇明太乙

皇路喜清夷萬戶農桑與十年鼓角悲陰風纏鬼弩黑月
閃靈旗碧血青燐路霜松蔭幾枝

聖代無虛死褒揚大教忠兩山文謝峙雙廟許張同湖水
祠官肅山城韜使通祇應青史上凜烈想英風
鄭虔猶陷賊襲美竟戕身何處王官谷孤尋漁父津閒關
資椽相偃蹇對松筠後死傳君輩悲歌損客神

林氏四烈行

彭鍾華

萬物孰爲堅百鍊純鋼鐵人間有至白千年太陰雪鐵可
鎔其鏗雪可汚其潔咄咄烈婦腸無得少磨涅試談烈婦
狀怒眦張欲裂是爲丙辰春寇禍始橫決魑魅白日行虎
豹空城窟人人盡奔竄豈暇顧家室馬後絡婦嬰馬前挂

人骨白璧污蠅矢沉痛何堪說烈住百步堰里開近城關
奔迫攜媳女搜括噪馳突烈心自思維婦人貴名節毋乃
橫相干冰霜失澄徹啼泣相顧語軀命同茲絕莽伏誠非
計舍生魚龍穴黯黯百尺潭團樂聚骨血纍纍石牽曳赴
死甘飴蜜誰云江水深釵裙遂滅沒天地爲昏冥波濤爲
蕩瀾三日寇始去烈尸浮更出家人驟聞知臨流溲死訣
道路亦心傷心傷復嘆絕寡婦有荒臺孝娥有斷碣安得
女貞木四枝森然列我請標姓氏永永無忘失

弔孝子周明魁

彭鍾華

返哺有鳥跪乳有羊人不如物身匪空桑兒當報母天降
之殃 第一解

瀘谿縣志

卷十四 藝文下

二十六

寇來近村大呼殺人亟負之背同兒一身恨不奮飛離彼
烟塵 第二解

縣縣孔道我我高山路長步短痛哭道間嗚呼蒼天莫知
我艱 第三解

有兔爰爰狂犬逐之有鳥曉曉饑鷹肉之寇何睢睢誰與
梏之 第四解

母曰孔棘兒盍棄我兒曰俱死棄母不可乃拘繫之哀哀
道左 第五解

母老且瘦兒肥作脯甯殺兒身無殺我母母子駢口其毒
太苦 第六解

漢有趙孝今有周某彼遭義釋此獨凶邁鬼哭天昏沙飛

石走

七解

弔姚烘及婦彭氏

彭鍾華

姚生名烘邑十三都姚坊人家世素封讀書喜施
與烘美秀而文娶婦彭氏金谿素族也咸豐八年
粵匪犯瀘烘挈其婦避婦翁家里名彭家渡烘初
意其鄉聯甲可以禦賊無何賊至聯甲解倉卒奔
避舟中四顧鄰舟被賊擄逼啼號之聲如沸計終
不得出而懼爲賊污遂與其婦投淵死僕媪蕭氏
亦死焉當是時江上之舟男婦且千百人也獨烘
夫婦能捐軀全節嗚呼其可尙也哉

匹偶締鴛鴦不如兩黃鵠雌身既死命同促容華艷桃

瀘谿縣志

卷十四 藝文下

二十七

李不如並頭蓮一蓮已萎水一蓮不獨鮮傷心莫問當年
事行人莫過彭家渡渡頭有黃鵠之唳霜渡下有紅蓮之
泣露瀘陽姚氏子青年讀書史彭氏有好女香閨厭羅綺
鴛鴦喜交頸不忍兩分張桃李媚春風生憎妬雨狂頸分
雨打傷人意可憐夫婦金谿去彭家渡口儂外家紛紛羽
檄亂飛絮僥倖聯甲雄守禦堪卻千熊驚心聯甲解舉
家驟覓扁舟載礮火轟江湄賊騎逐若飛東船與西舫兒
女各啼悲郎君當有計妾身何生爲寶劍躍淵錦襪隨波
鳥自高飛羅當奈何激波心之虬螭駭江上之豺虎鬚髯
貝宮之君兮迓雙旌于江滸浪滔滔兮雲冥冥羌淑靈之
出沒兮馭仙風與神雨是何蕭家媪亦共投江湖杲然乾

坤正氣無時無噫嘻乎錦溪莫羨鴛鴦宿千載悲心兩黃
鵠蓮蕊清香蓮心苦羞將顏色鬪桃李

悼猶子燮

彭鍾華

抱膝讀詩書哆口談忠義一朝遭死難去之如瘡贅民彝
遂泯滅士節亦淪墜嗟哉余猶子性行頗敦摯句讀就甥
館家山悵迢遞羽檄歛交馳婦翁孀同避燮乃大悲泣父
母知何地死生安可卜患難忍相棄倉皇故里奔中道逢
寇騎拘縛若死囚餓之作書記燮乃大憤激安肯備狗彘
賊泐怒哮虎俄頃身首碎尸骸委道旁烏鳶啄殘肉山中
尙驚魂凶問介違使爾祖痛愛孫黯然灑哀淚耶娘哭叫
天鄰里感且喟念爾輕一死尙識忠孝字肯從草間活引
瀘縣志

卷十四 藝文下

二十八

頸就刃鋸泰山與鴻毛微命綱常繫廿載迫干戈羣方尙
烽燧生者遠道羈死者異鄉瘞終當歸爾骨流離計未遂
惻惻摧心肝鬚髮增憔悴悠悠上天意滔滔白日逝

禱雨歌

彭鍾華

東雲透爪西雲陰南雲露鱗北雲深中有神物窈冥變化
不可尋深山大澤藏蟄久安知膏澤及物心一朝帝符從
天下興雲捲霧湧波鼓浪化爲四海霖初夏驕陽方亢旱
千人萬人感且嘆焚巫暴尫亦奚爲豈有神物供幽贊慈
明大尹憂思冲欲與精誠相感通廣招僧道開齋宮鳴螺
吹角鼓蓼蓼海南香片飛清空青詞黃紙齋海童斯須直
達上帝聰帝乃錫命境內之神龍方家山神巫舞大覺巖

打雷鼓霧濃潭迓龍女瑟瑟風濛濛雨甘霖三日灑不止
野田龜圻變沃土歲用降康民有喜民喜復如何半以供
官稅半以償逋負半以御賓客半以奉甘旨頻年寇盜杼
軸空無衣無褐商量補豚蹄祝隴上高田有稻低田黍春
酒介公堂催科不用愁官府書生一片熱肝腸進侯詩歌
非祝嘏我民愛侯如父母願侯永永恩德及民無怨侮

倦客行

彭鍾華

霜青月白山中宿明星三五闌干曲主人意思正蒼茫高
唱黃雞與白粥客有起歌而和者苦言囊中少銖錢倉中
無斗粟車空兩輪馬四足安得倚爾輓馱百鎰和千斛意
氣空有餘資用苦不足男兒不得志側身天地真碌碌

君馬黃

君馬黃我馬白揚鞭並轡出城北主人官道張筵席簫鼓
淒咽徒旅塞下馬敬謝旋上馬臨觴不御白日仄男兒出
門卽天涯吳楚燕趙何處客

大覺巖歌

偉哉造物靈鍾乃爾奇青天一角試瞻之但見靈氣蔚鬱
非一狀簇擁三萬六千丈之崑巖草木倒垂掛石壁日月
出入相蔽虧下有猿鳥愁栖之窟壑上有神仙飛跨之丹
梯大覺之巖凌秋隼石筍旁矗轉道紫仙官執圭氣尊嚴
侍者擁旛肅導引層崖何若堯青天不可上文筆直插天
門榜我欲抽之書雲章闔闔排呼意侗儻何年闢仙洞其

中創石屋滋灌齋房芝千載飼靈鹿往者傳進士曾此息
芳躅此公原是瑰瑋人上書天子屢民牧塵揚滄海正多
事呼公起救蒼生哭小覺巖峙大覺傍藏雲斂霧含青蒼
鵲巢螺髻覩露現彼美人兮來西方豈惟附庸任與宿隱
若敵國嚴保障雲冥冥今鵲啼雨日澹澹兮風嘯虎攀蘿
附葛破層空牽荇披藻涉清水筭鞅踏石路不定直驚一
跌下無底吁嘻乎昔是真靈宅今作秦人源藤蘿罨樹野
屋連魚貫士女愁攀援風吹起暮炊烟瀕洞乾坤飛海
水蓬島神人亦播遷對之賦旄葛使我心茫然近喜奏捷
喧金鼓烟塵漸靜中原土雲棲穩臥巢居子

附

瀘谿縣志

卷十四 藝文下

三

邑侯黃公鑄海和蘇菴彭孝廉秋興入首仍次老杜

原韻

洞庭一葉下平林颯颯西風萬木森霜老楓江侵鬢白寒
催梧雨逼月陰飛飛語燕添歸緒啞啞曉鳥就哺心正是
客中憐袖薄誰家午夜搗清砧
溪徑灣灣樹影斜香秔高下門妍華雲穿石磴籠樵擔雨
灑樓蓑濕釣槎明月高樓宜弄笛西風黃葉莫吹笳夜香
襲座邀談客屋角牆根徧是花
文昌宮東西小
院夜香花正開
雨霽珠簾捲落暉江臯亭子暮煙微虹橋古水孤鴻唳漢
棹遙天一鶴飛戎馬何心酬遠志尊鱸有味憶當歸秋風
會聽鏡歌唱放馬須栽苜蓿肥

留心整理一殘棋風鶴無端又惹悲才見烽煙思避地可

憐蹂躪不停時抱兒扶老元猿泣三月初賊竄瀘境百姓奔竄苦不堪言冒

雨衝雲白雁馳僕亦召募在路山逕偏秋肅月清洗兵馬

我倉我庾總堪思稻禾大熟

坐擁百城大小山家居讀書同家治山兄各有虛聲卅年寢饋蠹魚間文

書絡繹駒催駕客路三千雁度關茅店有霜寒旅夢丹爐

無藥洗愁顏可憐患難相依傍僕官景鎮司馬艱苦備歷父子僅以身免痛哭

西河血淚斑大兒寶善去秋在瀘病故

逐隊春風花插頭蟾宮高步碧天秋蓼莪讀後詩全廢荆

棘行來夢也愁路逼懸崖難駐馬舫當急溜漫浮鷗宦踪

虛說古人在韓氏潮州柳柳州

山河破碎日言功到眼滄桑感慨中幾輩魯戈揮落日何

人顧扇拂秋風霜清劍佩花飛白露冷衣裾酒凍紅老我

不才思管樂好將蓑笠仿漁翁

蓮峯坐對足逶迤北郭東城鴨綠陂貪政遠沽歡伯酒酷

刑力剪礙人枝勺來瀘水民情厚嘯聽蘇門客意移白雪

陽春誰屬和燃鬚不斷畫簾垂

瀘谿縣志總目序述

朝代賀遷都邑肇錫簡或劇繁繁又分析是縣初基紀年
萬麻雙鶴來翔百雉爰甃志建置弟一

白阜初定黃圖以開千里共月百里聞雷此彈丸者亦銅
綬哉不勞章亥自得埏垓志疆域弟二

易著城隍容民畜眾重門爲闔麗郭則甕環以流波于焉
制控勿令穢陀黃衣入夢志城池弟三

誰畫其寢誰芳其榭燕去鴻來眎同傳舍家無琴聲徒聞
宣夜風雨攸除何庸大夏志公署弟四

文黨守蜀董厲學官馬卿張叔鳴鳳翔鸞惟茲僻邑雅富
衣冠儻能振興爰達誰姍志學校弟五

瀘谿縣志

總目序述

食毛踐土納賦宜焉催科可拙撫字爲先何有頑梗追呼
弗前滋生日益勿俟恩蠲志賦役弟六

飛芻而輓改爲折色旣息其勞宜感其德積歛纍纍毋乃
愆忒嗟爾農民敢忘君國志漕折弟七

張融海賦恨不道鹽瀘食淮鹹鰲波遠沾臬徒充斥民爭
價廉禽捕曷易變通勿淹志鹽引弟八

益蘭高柳飛狐下雉其邑言言其形齒齒瀘雖遐僻山水
環峙巖障屹然陂池瀾爾志形勢弟九

大覺小覺峯連出雲規水稅水波合瀘瀆竹木蓊蔚魚鰕
鬪嶺鍾靈毓秀瀘異含芬志山川弟十

容人暨从虞書有言流惡鍾美盲左有論爲堰爲洫乃堤

乃門旱暘無慮是在養源志水利第十一
雨畢除道水涸成梁天根辰角夏令有章褰裳裹足涉者
傍徨不障不舟取譏單襄志津渡第十二
民以養兵兵以衛民近或秦越甚者鵲鶉萑苻早緝風鶴
無驚據險阨要勿曰時平志防守第十三
古人有言詔書挂壁州縣之符急如霹靂今也不然羽空
插檄實額選徒政在搜剔志舖遞第十四
鄒魯儒雅秦晉堅確江右清雋昔焉稱卓邑小風淳土賸
俗樸移易爲良勿守齷齪志風俗第十五
惟其碩大是以蕃滋繁茲蕞爾生殖何資勤則不匱儉乃
無爲不材由沃古語其欺志物產第十六

瀘谿縣志

總目序述

禦菑捍患祀典攸昭忠良節義祀宜不祧肝蠻薦膺漚鬱
奠椒棟梁孔固俎豆其雕志祠廟第十七
香積蘭若仙佛所栖晨鐘暮鼓足醒沈述寫經集鴿誦梵
吹蠡何必雄刹始稱招提志寺觀第十八
伊何人哉過墓不哀狐鮫老窟荆棘荒堆石磨埋沒紙錢
飛來掃除酬奠子孫肝摧志冢墓第十九
荒煙古碣蔓草穹碑何年亭榭前代尊彝摩沙憑弔灑落
襟期昔人往矣疑以傳疑志古蹟第二十
縣大郡小姬周之制兩漢令長區分品第輔置丞尉師儒
濟濟更替遷除較如謹系志秩官第二十一
坐堂皇上曰父曰母保障繭絲二塗奚取清病無魚苛誚

爲虎萋蝨字良何慚卓魯志宦業第二十二
九品中正古稱得人今尙科第俊異麟麟誰嗤風漢妾例
瀛賓科名不負是曰席珍志選舉第二十三
母曰蓮脍賢喆蒸蒸處抱白璧出舒朱繩或文而鳳或武
而鷹義捐酉粟孝感丁藤志人物第二十四
秋霜厲志皓月明心勁竹成節雌鸞獨吟尊章愿志藐孤
嗣音綱維世教曷弗欽欽志列女第二十五
寄客寓公曷擇匪地賢者屐筇山輝川媚燒燭唵詩磨崖
作字姓氏芳香實勞遐思志流寓第二十六
二氏之教吾儒弗譚究其宗旨義味包含山栖雲岫寺處
香龕宅心事外陋彼僵蠶志仙釋第二十七

小道可觀致遠恐泥甌福舍易生死門第倘術能精有如
符契游食資身藉此伎藝志方術第二十八
漢志五行學出鴻範休嘉勿矜災祲彌憾乾以清夸日月
邁湛修省召和讖緯勿犯志休咎第二十九
風雲月露蘇綽所誹菽粟布帛東萊所希經濟有物風教
攸歸汰彼沙礫揀是珠璣志菽文第三十

增補總目敘述

裴秀地圖六義攸寄山城斗大赫蹏用繪烟火萬家艱哉
生聚山水勝區地以人異繪圖第一
天舍地辰厥表星墟古豫章郡峩峩各區剖郡裂縣斗光
射餘百里度分是與非與星野第二

瀘谿縣有志自萬厯十年知縣陳王廷始也再修于萬厯四十二年知縣梁應掄三修于康熙十二年知縣余履度校閱則縣丞孟吉熊訓導嚴廷訓編輯則鄧化日傅金門林軒鄧可大鄒之震李春華鄭繼言四修于康熙二十二年知縣衛執躬校閱則縣丞張士堯教諭時啟通訓導魯志編輯則魏奇林簡臣鄧可大盧宗梧鄒之震傅春枝五修于雍正九年知縣李如瑤總纂則教諭黃光熊校輯則盧宗臣魏文潢鄧占鼇李化鵬石迴瀾鄧敦復編次則鄧沼鱗丘鐫曾鳳儀林一清林鍾秀盧必上譚先六修于乾隆十六年知縣朱崧編纂則周立愛石迴瀾鄧之蓮林錫袞林梳林可權丘楷鄧沼鱗盧必雄林式林沼七修于道

光二年知縣吳喬年總纂則林策校輯則曾淑薰劉逢吉林元英盧嵩齡林用晉丁敬至道光九年知縣張澍踵前事而刪定之校閱則縣丞許黼教諭甘定魁訓導何兆祥編輯則曾淑薰彭濤傅班聯會淑度孫黼文石士崧周秀翹石光銓于心泰盧文誥鄧黻魏崇基林輅石元珪林逢馨今同治九年中丞劉修省志檄下各縣一律興修刻期蒞事知縣楊松兆會商紳董兵燹之後校輯較難亟行採訪凡閱十月書成興修知縣楊松兆接辦知縣孫毓秀教諭曾培桂訓導晏聯奎總纂則彭鍾華分修則胡廷翰王賓校對則石鈞奏宋式郊管理帳目則盧士棻外籤派紳董寫收捐資此八修也惟秩官一冊間有脫漏選舉之歲

貢生未能確指年次俟各大憲查發案卷補載葉竣附識
於後

餘縣志

二

